

**ფიზიკური პირების საბანკო მომსახურების შესახებ ხელშეკრულების დანართი N4 - მუდმივი
საგადახდო დავალება**

1. **მუდმივი საგადახდო დავალების** მომსახურების მეშვეობით, **კლიენტს** აქვს შესაძლებლობა მისცეს **ბანკს დავალება**, რომ **ბანკმა დავალების** მოქმედების მთელი ვადის მანძილზე, **განაცხადით** განსაზღვრული პირობების შესაბამისად, **ანგარიშიდან** ჩამოჭრას **განაცხადით** განსაზღვრული ოდენობის თანხა და გადარიცხოს ის **განაცხადით** განსაზღვრულ თარიღებში, **მიმღების** საბანკო ანგარიშზე.
2. **მუდმივი საგადახდო დავალების** ფარგლებში **კლიენტს** უფლება აქვს მოითხოვოს შემდეგი **ოპერაციების** განხორციელება:
 - 2.1. ეროვნული/უცხოური ვალუტის გადარიცხვა **კლიენტის ანგარიშებს** შორის;
 - 2.2. ეროვნული/უცხოური ვალუტის გადარიცხვა **მესამე პირების** საბანკო ანგარიშებზე;
 - 2.3. **კონვერტაცია** **კლიენტის ანგარიშებს** შორის;
 - 2.4. **კლიენტის მოთხოვნამდე დეპოზიტის საანაზრე ანგარიშზე** თანხის გადარიცხვა ანაზრის შევსების მიზნით;
3. **მუდმივი საგადასახდო დავალების** მომსახურებით სარგებლობა შესაძლებელია თუ **კლიენტს** გააჩნია ან **უნივერსალური მიმდინარე ანგარიში** ან **სტანდარტული მიმდინარე ანგარიში**. **მუდმივი საგადახდო დავალების** ფარგლებში **დავალების** შესასრულებლად არ გამოიყენება **უნივერსალური მიმდინარე ანგარიში**, რომელიც დაკავშირებულია საკრედიტო ბარათთან, გარდა Express Card საკრედიტო ბარათთან დაკავშირებული **უნივერსალური მიმდინარე ანგარიშისა**.
4. **მუდმივი საგადახდო დავალების** ფარგლებში, **ოპერაცია** განხორციელდება **განაცხადით** განსაზღვრულ თარიღში, ამასთან:
 - 4.1. იმ შემთხვევაში თუ **ოპერაცია** ხორციელდება **კლიენტის ანგარიშებს** შორის ან **მესამე პირის ბანკში** არსებულ **ანგარიშზე** და განაცხადით განსაზღვრული **ოპერაციის** შესრულების თარიღი ემთხვევა არასაბანკო დღეს, გადარიცხვა შესრულდება და **მიმღების ანგარიშზე** თანხა ჩაირიცხება იმავე არასაბანკო დღეს, თუმცა **ოპერაცია** აღირიცხება მომდევნო **საბანკო დღის** თარიღით.
 - 4.2. იმ შემთხვევაში თუ **ოპერაცია** ხორციელდება **ბანკის** გარეთ არსებულ ანგარიშებზე და **განაცხადით** განსაზღვრული თარიღი ემთხვევა არასაბანკო დღეს, **ოპერაცია** შესრულდება მომდევნო **საბანკო დღეს**.
5. **დავალების** შესრულებისათვის აუცილებელი თანხა **ანგარიშზე** განთავსებული უნდა იყოს წინა **საბანკო დღეს**. ამასთან, **ანგარიშზე** **ოპერაციის** შესასრულებლად საკმარისი თანხის არ არსებობის გამო ან/და ნებისმიერი, **ბანკისგან** დამოუკიდებელი სხვა მიზეზით **მუდმივი საგადახდო დავალების** შესრულების შეუძლებლობის შემთხვევაში, **ოპერაციის** შესრულების მცდელობა შეიძლება განხორციელდეს **მუდმივი საგადახდო დავალების** შესრულების **საბანკო დღის** განმავლობაში დამატებით კიდევ ერთხელ, თუ **ბანკი** სხვა გადაწყვეტილებას არ მიიღებს.
6. **მუდმივი საგადახდო დავალების** ფარგლებში, **ოპერაცია** არ განხორციელდება, თუ შესაბამისი **განაცხადით** განსაზღვრულ **ანგარიშზე**, **ოპერაციის** შესრულების **საბანკო დღის** დასაწყისში ან/და **ბანკის** მიერ განსაზღვრულ შემთხვევებში **ოპერაციის** შესრულების მომენტისთვის არ არის საკმარისი თანხა.
7. **მუდმივი საგადასახდო დავალების** შესასრულებლად **განაცხადით** განსაზღვრულ **ანგარიშზე** საკმარისი თანხის არ არსებობა არ იწვევს **მუდმივი საგადახდო დავალების** შეწყვეტას/გაუქმებას, შესაბამისად **დავალება** შესრულდება მომდევნო **ოპერაციის** შესრულების **საბანკო დღის** დადგომისას.

8. იმ შემთხვევაში თუ სრულდება **კონვერტაციის** შესახებ **დავალება** ან/და **დავალება** სრულდება **უნივერსალური მიმდინარე ანგარიშიდან** და **დავალების** შესრულებისთვის საჭიროა **ანგარიშებს** შორის **კონვერტაციის** განხორციელება, **კონვერტაცია** განხორციელდება **ოპერაციის** შესრულების მომენტისათვის **ბანკის** მიერ დადგენილი სტანდარტული კომერციული კურსის შესაბამისად, მათ შორის იმ შემთხვევაშიც, როდესაც **დავალება** გაცემულია **დისტანციური საბანკო მომსახურების** ფარგლებში. ამასთან, იმ შემთხვევაში თუ **დისტანციური საბანკო მომსახურების** ფარგლებში **კონვერტაციისთვის** განსაზღვრულია **ბანკის** კომერციული კურსისგან განსხვავებული შეღავათიანი **კონვერტაციის** კურსი, **დავალება** მაინც სრულდება **ბანკის** სტანდარტული კომერციული კურსით.
9. **ბანკი** უფლებამოსილია, **კლიენტის** დამატებითი თანხმობისა/აქცეპტის გარეშე ავტომატურად შეწყვიტოს **მუდმივი საგადასახადო დავალებით მომსახურება**, თუ:
 - 9.1. დაიხურა **ანგარიშ(ებ)ი** საიდანაც ხდებოდა **მუდმივი საგადასახადო დავალებით** გათვალისწინებული თანხის გადარიცხვა/მიღება ან;
 - 9.2. მინიმუმ უკანასკნელი 6 (ექვსი) თვის განმავლობაში არ არის გადახდილი/დაფარული **მუდმივი საგადასახადო დავალების მომსახურების საკომისიო**.
 - 9.3. თუ შეწყდა ანაბრის/დეპოზიტის ხელშეკრულება/დაიხურა ანაბარი/დეპოზიტი, რომელთან დაკავშირებულ **ანგარიშზე** სრულდებოდა **მუდმივი საგადასახადო დავალება**.
10. **განაცხადით** განსაზღვრული **მუდმივი საგადასახადო დავალების** პირობების ცვლილება შესაძლებელია განხორციელდეს ახალი **განაცხადის** შევსების გზით, შესაბამისად ახალი **განაცხადის** დადასტურებისთანავე, ძალადაკარგულად ჩაითვლება ნებისმიერი სხვა **განაცხადი** რომელითაც გაცემული იყო **მუდმივი საგადასახადო დავალება**.